



## Adem-biiga, ad fo sēn kos Maam la f tē Maam, M yaafda foom baa fo sēn maan būmb ninga, tı M toog ka be ye

Yii a Anas [bn Maalik nengē, (Wēnd yard be a yīnga) a yeelame: M wuma Wēnd Tēn-tuuma (Wēnd puusg la A tıgr be a yīnga) t'a yetē: « Wēnd yeelame (A Naam zēk yā): Adem-biiga, ad fo sēn kos Maam la f tē Maam, M yaafda foom baa fo sēn maan būmb ninga, tı M toog ka be ye, Adem-biiga! Ad fo zūnuubā sā n ta saasā, rē poorē tı fo kos Maam yaafa, M yaafda foom tı Mam toog ka be ye, Adem-biiga! A d fo sā n wa Mam nengē ne tuum tuuts sēn ta Tēngā tom, rē poorē tı fo seg Maam, n ka maan lagem-n-taar ne Maam baa fu, Mam na wa fo nengē ne yaafg sēn ta Tēngā tom».

[Hasanun (be neere)] [A At-tirmiiziyy n togs-a]

Nabiyaamā kōta kibare (Wēnd puusg la A tıgr be a yīnga) tı ad Wēnde (A Naam yı wagell n zēke) A yeela hadiis kudsy pugē: Adem-biiga, fo sā n ka bak n kot Maam la f tēed Mam yolsgā, la f ka wāag f tēebo, M solgda f zūnuubā la M yēes-a, tı M toog ka be ye; baa sā n mikame tı zūnuub-kāngā bee zūnuub bedā pugē. Adem-biiga! Ad fo zūnuubā sā n waoogame n pid saagā la Tēngā n tug n ta b kuremsā la b ween-n-vūsā, rē poorē tı fo kos Maam yaafa, M yēesdame la M yaaf-fo b fāa gilli, tı M toog ka be ne b waooglemā ye. Adem-biiga! Ad fo sā n wa Mam nengē ne tuum tuuts sēn ta Tēngā tom, rē poorē tı fo seg Maam, n ka maan lagem-n-taar ne Maam baa fu, Mam na wa fo nengē ne yaafg sēn ta Tēngā tom; bala Mam yaafg yaa yalenga, la M yaafda zūnuub-rāmbā gilli sā n pa lagm-n-taare.

<https://sunnah.global/hadeeth/mos/show/5456>

